

კვირა, 15 თებერვალი 1915 წ.

ფასი 10 კაპ.

# მათრახი

იუმორისტ. ჟურნალი



№ 3

ბელის-მოწერა არ მიიღება. მასალები გამოიგზავნება ამ აღრესით: თიფლისი, ტიპოგრაფია შრომა, გეოფილუ ბოლკვადზე

## სამიპიტნოების დაკბევა თბილისში



13328

### მიპიტნების შოთქვა.

— ვაი ჩვენო ღუქნებო,  
კარებ დალუქულებო,  
ვაი ჩვენო ტიკებო,  
ვაი ჩვენო ფულებო!...

ვაი ჩვენო მუშტრებო,  
ჩვენთან დაჩვეულებო,  
წინად გამობრუეულნო  
ეხლა დამხვეულებო.

— ჩვენ მოგებას ველოდით.  
 ეს რა მუხი დაგვეცა:  
 „კუნა“ სულ გაგვიცივდა,  
 მზარეული გაგვექცა!  
 დახლი გამოგვეცალა  
 და ოჯახი დაგვექცა!..  
 ვინ კითხულობს ჩვენს ამბავს,  
 რომ პასუხი გაგვეცა!..

— თავი ფაშად მოგვექონდა,  
 ვითვლებოდით — „აღებად“,  
 დღეს დუქანიც არა მაქვს  
 დასაკეტ-გასაღებად!..  
 ვირთხები ტოკს ვწვევ  
 სოროში წასაღებად  
 და „კუნა“ გაუხდიათ  
 სასეირნო ბაღებად!..

— ცოლები დაგვიგიჟდა —  
 სულ მოდნათა იცვამენ,  
 წელზე მაგრა იქერენ,  
 პირზე ბლომა ისვამენ!  
 მათ ფეხებზე ჰკიდათ  
 ეს ცული დრო, „ვინა“,  
 რასაც მოგვთხოვს, „ბერეგის“  
 თუ არ მიგვატაინა.

— ღამ-ღამობით კლუბებში  
 გასართობათ დადიან,  
 იქ ლოტოს თამაშობენ,  
 მალაყებს გადადიან!  
 ნაშვალამევეს ვაშამსაც  
 მიირთმევენ მადიან  
 და მერე ღმერთმან იცის  
 ვისთან რასა სჩადიან.

— ქვეყანა სულ გაფუჭდა,  
 ვერას ვხედავთ ჰკვიანურს,  
 მუცელი დაგვეჩუტა  
 და გვიმღერის ჰიანურს!..  
 ეჰ, დროებავ წამხდარო,  
 შენ დაგიდგეს თვალთა;  
 მიკიტნებსა შიოდეს,  
 განა სამართალია?!

მა — ნი.



## აკაკის ცხედართან\*)

„ნეტარ არს ერი იგი, რომელმან იცის  
 გალობა შენი“. (ფსალ. 88—14)

ცა-ფირუზ, ხმელეთ-ზურმუხტო,  
 ქართველთ უიღბლო მხარეო,  
 ძაძა-ფლასითა მოირთე,  
 იგლოვე, იმწუხარეო,  
 დაღვარე ცრემლი ნაკადათ,  
 ცრემლი რფელი და ცხარეო...  
 უბედო ბედმა ნალველი  
 სხვა არ გაკმარა მწარეო,  
 შეილი მოგტაცა უბადლო,  
 შევენება შინ და გარეო...  
 აღარ გყავს შენი აკაკი,  
 შენი მზე, შენი მთვარეო,  
 ლხინში სუფრულის მღერალი  
 და ქირში მგლოვიარეო,  
 ვარსკვლავი შენის დიდების,  
 მოკაშკაშ-მოელვარეო.

ცა-ფირუზ, ხმელეთ-ზურმუხტო,  
 თალხით მოსილო მხარეო.  
 სამძიმრის შემდეგ, ნუგეშიც  
 ისმინე შეიწყნარეო!  
 ნუ დაეცემი სულითა,  
 ქედი ნუ მოიხარეო,  
 ჭრილობას კენესა არ შევლის,  
 სხვა რიგათ ემკურნალეო.  
 აკაკის მცნებას მისიდე,  
 მის გრძნობას ეზიარეო,  
 მის ცრემლით ნაღობო გზახედა  
 წაღმართად წაიარეო,  
 მტერს მტრულად დახედი, მოყვარეს  
 მოყვრულათ ეტრფიალეო,  
 მზავრელთ გულ-და გულ ეკვეთე,  
 ჩავრულთ მწედ აეფარეო,  
 ძმობა-ერთობის დროშის ქვეშ  
 შეილთ თავი მოუყარეო,  
 სიყვარულის და სიმართლის  
 ლამპარი წაიმძღვარეო.

ცა-ფირუზ, ხმელეთ-ზურმუხტო,  
 გულდაკოდლო მხარეო,

\*) ეს მწვენიერ-გრძნობიერი ლექსი დაბეჭდილია ქუთათურ ორ-კვირეულ ჟურნალ „განთიადში“ (ქ. მ.), მაგრამ რადგანაც „განთიადს“ ყავს მკითხველთა განზახვრული რიცხვი (სულ ზუთი: რედაქტორი, ასოთ-ამწყობი, კორექტორი, ტენზორი და თვით ავტორი) ამიტომაც ჩვენ ეს ლექსი გადწვებულ და წით მტ მკითხველს გავაცანით.

რედ.

შეიტკბე შენი პირმო ძე,  
 დროებით ესაპარეო!  
 ღმერთი დიდია, კრილობა  
 გაგიმთელდება ადრეო,  
 ჯოჯოხეთისა ნგრევაში  
 გახდები მოზიარეო...  
 და შენთან ერთად აღსდგება  
 აკაკიც პირმცინარეო.  
 ცა-ფირუზ, ხმელეთ-ზურამუხტო,  
 არწივთა მსდელლო მხარეო!

ვერმიცანაშვილი

## დიდებულ მგოსნის აკაკის სსოვნას.

შე ჩაესენა, ჩაქკა ვარსკვლავი,  
 დადუმდა ენა, მკვეთრი, ძლიერი,  
 დადუმდა ჩანგი, მაშვრალთ მოსარჩლე;  
 დაობლდა კვალად ქართველი ერი.

დიდო მგოსანო, ტანჯულთ იმედო,  
 უბადლო სხივო, ბერო ქალარა,  
 გმირებს უხმობდი ჩაგრულთა მხსნელად  
 მტრებს ძილს უფრთხობდა შენი ნალარა.

ბრძოლისა ცეცხლში შენ გვიწრთე გული  
 და დროშით ხელოში გვიძლოდი წინა,  
 გმირო სარდალო, შენ უკვდავი ხარ,  
 ხალხისა გულში გაქვს მარად ბინა.

მულამ იქნება ანდერძი შენი  
 მომავალთ შორის მტკიცედ დაცული,  
 არ გადასცდება გზას შენგნით რჩეულთ  
 შენი ლაშქარი მაშვრალ-ჩაგრული.

„ქაჯეთის ციხეს“, სად იმყოფება  
 „ნესტან-დარეჯან“ მიჯნური შენი,  
 ამა ლაშქრისა მხნე, მძლავრი ხელით  
 შეირყევიან ციხისა ბქენი.

მყის დაითრგუნვის ქაჯთა ლაშქარი,  
 „ნესტან-დარეჯან“ აღსდგება მკვდრეთით,  
 გამარჯვებისა ჰანგი მთელ არეს  
 ყურს სწვდება ირგვლივ ზღვით და ხმელეთით.

ტურფა ბალნარნი აყვავდებიან  
 და ვაღიშლება ათასფრად ველი,  
 საგაზაფხულო კიკუქის დაიწყებს  
 მერცხალი ლალი ტურფა ფრინველი.

ნიავე წყნარი გულს ჩაუკოცნის  
 ყვავილს შშვენიერს, იას მკერდ ღიას.  
 ბუღბუღლიც დასტვენს, საფლავს ჩაგძახებს  
 შენსა საყვარელს ჰანგს „ტია-ტიას“.

მიჯნურიც საფლავს შეგიმკობს ვარდით,  
 ცრემლსა დაგაფრქვევს მგზნებარე თვალი:  
 „არ ვიყავ მკვდარი, მხოლოდ მეძინა“ —  
 ის ჩამოგძახებს თავისუფალი.

გოგია.

## არ მომკვდარა

(აკაკის სსოვნას)

არ მომკვდარა! არც მოკვდება! არა! არა!  
 ძირს გოდება! ცრემლთა ფრქვევა კმარა! კმარა!  
 განა სიკვდილს ძალა შესწევს მოვეტაცოს ის,  
 ვინც აანთო ხალხში ცეცხლი სიყვარულის?  
 არა! არა! ის კვლავ ცოცხლობს, — არ მომკვდარა!  
 სიკვდილი ხომ მის წინაშე არს პატარა?  
 მაშ ნუ ვტირით! შორს გლოვის ხმა! კმარა! კმარა!  
 ნუ ვაფრქვევთ ცრემლს ისეც ბევრი დაიღვარა!  
 არ მომკვდარა! არც მოკვდება, არა, არა!  
 მან ხომ ხალხში უკვდავება დაიწყარა?  
 მაშ ნუ მოვთქვამთ შორს გოდება, კმარა! კმარა!  
 და ვიწამოთ, რომ ის ცოცხლობს, არ მომკვდარა!

ს. გურული.


## აპაპის ხსოვნას.

გაწყდა სიმი ჩონგურისა  
 და მიყუჩდა მწყობრი ჯღერა,  
 აღარ ისმის აღმზრდელ მამის —  
 ტკბილი ნანა და სიმღერა.

წმინდა გრძნობით გამსჭვალულმა,  
 შეასრულა თვისი ვალი,  
 დაჩაგრულ ერს, ბნელეთში მყოფს  
 გაუკაფა გზა და კვალი...

მადლიანი კალმის წვერით  
 შესძრა ციხე მიუვალი...  
 ჩვენ ვერ შევსძლებთ, მის ღვაწლს მხოლოდ  
 დააფასებს მომავალი.

რ. ჯიბილ.



## სულის ცრემლები

ძველითგანვე ეს ქვეყანა უკუღმართად მოწყობილა, —  
ბედნიერი ბოლომდისინ არვინ არის, არც ყოფილა;  
შვება-ლხენას კვენსა მოსდევს; რაც აშენდა — დამხობილა  
და სიკოცხლის სარეცელში შავ სიკვდილი ჩაწოლილა...

ვისაც გუშინ ნეტარებით უფეთქავდა მკერდ ქვეშ გული,  
სამოთხეში ატარებდა ნაზი ტრფობა, სიყვარული;  
ხეალ ძიმწარეთ შეეცვლება სიკოცხლე და სიხარული  
და გულს შესჭამს ცრუ იმედით ანაჩენი ნაღველ წყლული...

გაზაფხულზე მზის სხივებით ია ხარობს, ვარდი სტკებმა,  
თავს ბუღბული დასტრიალებს. ჰანგებს უწინავს, ეშხით თვრება,  
- ვერხვის ძირას“ ქალწული ზის, ტოლს იგონებს, ცრემლათ დნება, —  
მგოსანს სატრფოს დაშორებით სევდა ბურავს, გული სწყდება...

ზამთარია. არე-მარეს სუსხი აზრობს, სუსხი ჰყინავს.  
ბუჩქის ძირას ტურფა ია მიმალულა, ტკბილათ სძინავს;  
ვარდს სიზმარში მტკიცედ სჯერა, რომ ბუღბული არ გასწირავს, —  
არ იგონებს მგოსანს სატრფო, მტრისა ტყვიით განაგმირავს.

ჰორიზონტი შეიღება, გადაეჭლო წითელ სვეტი,  
ცასა ბურავს სისხლის ორთქლი ძირს მიწიდან ანასხლევტი.  
აქ მოგროვდა ბოროტება ჯოჯოხეთით მონახვეტი  
და აღმოხდა დედა-მიწას კვენსა გულით მონაწყვეტი.  
დღეს ქვეყნისა უკუღმართად გადაბრუნდა ყოფნის ჩარხი. —  
ბევრს არსებას გაეთხარა შავ უფსკრულის შავი არხი. —  
მომავალის იმედები გულშივ დარჩა ჩანამარხი  
და აღსრულდა საუკუნით ტარტაროზის ნაკარნახი...

სისხლით ირწყვის მიდორ-ველი, ჩამოზნელდა არე ცისა;  
დაშრა შვების ნაკადული, — ჩაქრა მთვარე, სხივი მზისა:  
შავს ბურუსში გაეხვია წმიდა ჯვარი, სახე ღვთისა. —  
ვინ თხოულობს და ან რისთვის ამდენ მსხვერპლსა შესაწირსა?  
ბოლო არ სჩანს, სამსხვერპლოზე კვლავ პრიალებს ცეცხლის ალი,  
სტირს სამყარო... ბუნებამა მოიხვია გლოვის შალი, —  
სიკვდილს ცელი აულესავს, ჯერ ბევრი აქვს მოსამკალი. —  
არვინ უწყის სამერმისოთ რას გვიშადებს მომავალი.  
სტირის მდელი სისხლის ცრემლით, კვენის ველი, სტკივა გული  
და იმედსა უკურნები ასჩენია ნაღველ — წყლული.  
ტყეს ფოთოლი შემოეცრცნა, როდის მოვა გაზაფხული,  
რომ გამთელდეს კვლავ იარა, გულმა იგრძნოს სიხარული?..

მკის სიკვდილი, მოდის სისხლი, ჩამოზნელდა არე ცისა,  
დაშრა შვების ნაკადული, ჩაქრა მთვარე, სხივი მზისა;  
შავს ბურუსში გაეხვია მადლიანი სახე ღვთისა. —  
ვერვინ ახსნას საიდუმლო მსოფლიოსი სავალ გზისა.

# ორფენა ობობები.

(კაცი-ყლაპიები).

(შემდეგი. იხ. „მათრახი“ № 2)

წასული კვირის ნომერში დაგპირდი, ჩემო მკითხველო, კიდევ მომეთხრო შენთვის „ყლაპია ობობების“ ოინი. და მით დამემტკიცებინა, თუ როგორ კარგავს თავის პირად ღირსებას მამრობითი სქესი ორფენა ადამიანათ წოდებული მდებრობითი სქესთან შეუღლების შემდეგ. დიახ, ბევრი, ძლიერ ბევრი, ას ცოლიანში ოთხმოცდა ცხრამეტ ნახევარი ჯვრის წერის შემდეგ ის აღარ არის, რაც წინად იყო, რასაც ის წინად მრავალეამიერს უმღერდა, ახლა სულთანას უგალობს, რაც წინად უყვარდა, ახლა სძულს, რასაც წინად ეძებდა, ახლა გაუზრბის, რითაც წინად ამაყობდა, ახლა იტყვის, ერთი სიტყვით, ცოლმან შთანთქა და გადაყლაპა ქმარი... და თუ ეს ქმარი მაინც ცოცხალია და დედამიწაზე ღოღავს, მხოლოთ იმისთვის, რომ აღასრულოს ბრძანება და ნება თვისი ცოლის, იმ ცოლის, რომლის შესახებაც ჯვრის წერის დროს ეკლესიამ პავლე მოციქულის პირით უბრძანა: „ცოლნი დაემორჩილენით თვისთა ქმართა, ვითარცა ქრისტე ეკლესიასა, და ცოლსა მას რათა ეშინოდეს ქმრისა მისი“.

არც ერთ „მოღისტა“ ქალს არ შეუძლია ისე ადრე და კარგათ კაბის გადაკეთება, როგორც ეს ბრძანება გადაკეთეს ცოლებმა, შეაბრუნეს კეხი და ყველა ქმარი მორჩილ არს ცოლისა, ყველა ქმარსა ეშინის ცოლისა მისი“. ღმერთმანი მწარეთ მეცნიება, როცა მამრობითი სქესი საგაროთ საყოფაოთ გამაცნობს ხოლმე თავის მდებრობითი სქესს და მეტყვის: „გთხოვთ იცნობდეთ, ეს ჩემი ცოლი გახლავსო“. ვიცი, ვიცი ძია ჯან, რომ შენ ხარ მისი ცოლი და ის შენი ქმარია, მაგრამ ნუ გეშინია, მართო შენ არ ხარ ამისი მავალითი. „მთლად ქვეყანა ასე ცხოვრობს, შენ ხომ არ ხარ გმირთა-გმირი“. სანუგეშოთ გეტყვი კიდევ მავალითს.

### III.

#### სანდრო ბალაძე.

რა კარგი ბიჭი იყო სანდრო ბალაძე, რა საამხანაგო, რა გულ კეთილი. ამხანაგ-მეგობრისათვის არაფერს ზოგავდა, უკანასკნელ გროშს გაგინაწილებდა. მართალია დიდი თანამდებობის კაცი არ იყო, მაგრამ თვეში შვიდ-რვა თუმანს კი შეარებდა ხელს, დიახ შეარებდა ხელს, თვარა მერე ეს ფულეები მისი ღარიბი უადგილო ამხანაგებისა და მის მცირე-წლოვან, მოსწავლე ძმებსა და დებს უნაწი-

ლებდა, თითონ იოლათ გადიოდა, ხმელა პურს ქაშადა, ოღონდ მისიანები ყოლოდა მადლიერი. ყველას უყვარდა სანდრო, ამხანაგები სოციალისტს ეძახდნენ... ბევრჯერ მის ამხანაგებს მისი საცვალიც კი წაუღიათ... სად სტოვებდა სანდრო თავის ოთახის გასაღებს თითქმის ყველა მისმა ამხანაგმა იცოდა, ბევრჯერ მოსულა სანდრო სახლში და აღარ დახვედრია სასადილოთ მომარაგებული საქმელი, ბევრჯერ ღამით დაბრუნებულ სანდროს უნახავს თავის საწოლში ხვრინვა ამოშვებული ამხანაგი... სანდროს ეს არ წყინდა, პირიქით უხაროდა, რომ მას შეძლება ქონდა მეგობრებისთვის პატივი ეცა, უჭირთ, თორემ რომ არ უჭირდეთ, იძულებულნი რომ არ იყვნენ, არც ჩემგან დევალებენო... წარმოიდგინეთ, თუ ვინმე მადლობას ეტყოდა, სანდრო წითლდებოდა და პირიქით იხდიდა ბოდიშს შესაფერად ვერ გევი პატივი, მოუწყობელი ვარ, დაულაგებელი, აი ცოლს როცა შევეირთავ, უკეთ მოვეწყობი და შემეძლება უკეთაც დაგხვედო.

ხანუმა-ქაბატუების სიაში სანდროც იყო ჩაწერილი... შეაცდინეს სანდრო, ისარგებლეს მისი გულწრფელობით, შერთეს „ანგელოზი“ ქალი და დღეს... ნულარ მკითხავთ თუ რა მოუვიდა სანდროს... „ანგელოზი ამხანაგის“ მეოხებით სანდრო სულ ჩამოშორდა თავის სიყრმის ამხანაგებს, არც ერთი ამხანაგი დღეს მის ოჯახში არ მიდის, რადგანაც ყველამ კარგათ იცის, რომ თუ სანდრომ ერთ ამხანაგს სახლში სადილი აქამა სამაგიეროთ მისი „ორფენა ობობა“ თვით სანდროს დაათმენინებს ოცდაათ სადილ-ვახშამს, გაუმწარებს სიცოცხლეს... განა მართო ამხანაგ-მეგობრები ჩამოშორდა სანდროს? დიახაც არა! არამედ იმდენი ეცადა, იმდენი იხრიკა, ისეთი ქსელის ხლართები გააბ-გამოაბა სანდროს მუხლემ, რომ თავის ქმარს ჩამოაშორა დები და ძმები, არც ერთი დღეს მის ოჯახში არ დადის. იხარშება სანდრო თავის გულში, ზოგჯერ კიდევ ტირის, მაგრამ რა ქნას, შეგოქილია მისი ნება-სურვილი, გადაყლაპეს მისი პიროვნება, მისი „მე“. მისი ცოლი თავის ქმარის კომენდანტიც არის, გენერალ-გუბერნატორიც, სამხედრო ცენზორიც და სახელმწიფო ბიუჯეტის (შემოსავალ-გასავლის) კონტროლიც არის. თუ ცოლმა ნება არ დართო, ისე სანდრო ვერც სადმე წავა, ვერც სახლში ვინმეს მიიღებს, ვერც წერილს მისწერს ვინმეს და ვერც ერთი შაურით დაეხმარება...

აღარ არის სანდრო თავისიანებისათვის, მაგრამ სამაგიეროთ ცოლის ნათესავები თითო-ოროლა არასოდეს არ გამოწყდება მის ოჯახში.

ასეა საზოგადოთ ბევრი ქმრის ცხოვრება და ეს ჩემის აზრით იმის ბრალია, რომ საცოლო ბიკემა არ იციან ინდოელების ბრძნული და პრაქტიკული რჩევა. აი რა ქეშმარიტებას გვირჩევენ ინდოელები: „ყველა დედა-კაცს აქვს თავის ქმრის ზურგზე შესადგამათ გამზადებულ ოცდა ოთხი კეხი. ამ კეხების ზურგზე შედგმას ქალი იწყებს ჯვრის წერის შემდეგ, მაგრამ ვინც ყოჩალი ვაჟია, იმდენი უნდა შეყაროს ტლინკები, რომ დედაკაცმა ვერავითარი ხრიკით და აღერსით ვერ გაახერხოს, რომ ქმარს შეადგას ზურგზე ერთი კეხი. და თუ გაწყრა ღმერთი და ცოლმა მოასწრო ქმრის ზურგზე ერთი კეხის შედგმა, მშვიდობით მერმე ქმრის ქმრობავ და მისო კაცობავ, ერთ კეხზე დედაკაცი მიაყოლებს მეორეს, მეორეს მესამეს და ამრიგად ყველა ოცდაოთხ კეხს შეადგამს ქმარს ზურგზე და ყველა კეხზე გადაელაჯება... ამიტომაც გირჩევთ უცოლო ვაჟებო, იხტუნეთ, იუკმაკურეთ და ეცადეთ ევას „ნაშიერმა“ და მისმა სახიერმა არ შეგადგას ერთი კეხი, თორემ წასულია თქვენი საქმე და გადაყლაპულია თქვენი პიროვნება. ამასთან არ შეიძლება არ გირჩიოთ კიდევ, რომ გახსოვდეთ იმავე ინდოელების ანდაზა:

„დედა კაცის ორმოც რჩევაში ერთი გონიერი რჩევა იქნება, მაგრამ თუ ეს ერთი დაუჯერე ოცდა ცხრა მეტსაც „კონტრბანდათ“ შემოგაპარებს, და ამიტომ გირჩევ არც ეს ერთი გონიერი რჩევა დაუჯერო“.

არ ეწაცნს იუქ დეჯერებ დავით გურამიშვილის რჩევასაც:

„თუ ცოლს მიეცა ქმარზედ უფლება  
ქმარი ღიაში უკუ ეფლენა;  
გაისვრება ლაფით  
მის ჭუჭყს საპნის ქაფით  
ვეღარავინ ვარეცხს.“

ანჩხლი და ურცხვი, თუ არის მრუში  
ზედ შეგაჯდების თუ ხელით უშვი;  
მოგიდებს მიზეზებს  
შემოგკრავს მით დეზებს  
დაგიხვლეტს გვერდებს.

საითაც უნდა, იქითკენ წარებს  
გადმოგიქირებს მათრახებს მწარებს  
ავიდებს აღვირებს —  
გატირებს, გაყვირებს  
ისე გატარებს.

უმჯობესი არს ლომ-ვეშაბანა,  
ვიდრე ბოროტსა დედაკაცთანა...

# სახელდახელო.

ომიანობის გამო თბილისის საბჭოს ხმოსნებს დიდი საქმე გამოუჩნდათ.

ქალაქის მოურავს არც დღე სძინავს, არც ღამე. მოსკოვში ეხლა კრებაა ქალაქების მოურავებისა.

ჩენი ქალაქის მოურავიც მიიწვიეს. მოსკოვში გაგონილი აქვთ ხატისოვი დიდი მქერმეტყველი კაცია, ლაპარაკი ძლიერ ეხერხებაო და დიდის თხოვნითა სთხოვეს — მობძანდი მოსკოვში და შენი ტკბილი რეჩები გავგავანო.

ვერ მივართვი ხატისოვი მოსკოვს. „რას ბძენებთო, შეუთვალა, აქ იმდენი საქმე მაქვს, იმდენი, რომ ტფილისს თავს ვერ დავანებებო.“

მართალია, ომიანობის გამო ერთი საქმე ჩამოგვშორდა — პოლიტენიკუმის დაარსება ჯერ-ჯერობით გადავდეთ ომის დასრულებამდე, მაგრამ საქმე მაინც ბევრია — ქალაქს პატრონობა და ბატონობა უნდა.

ასე გასინჯეთ, რომ ხმოსნების არჩევანებისთვისაც არა გეცალიან. ან რა საჭიროა ეხლა ხმოსნების არჩევნები. განა ეხლანდელი ხმოსნები ცუდად უვლიან ქალაქსა. ხმოსნები რომ ავირჩიოთ, იქნება თავიანთი მხრით ხმოსნებმა სხვა მოურავი აირჩიონ, სხვა წევრები გაშვებონ, სხვა მდივნები...

ბრა, ისევე შეჩვეული ქირი არ უჩრჩევნიან ქალაქსა?

ან სად ვიშოვით მეორე მქვერმეტყველ ხატისოვს, ან სხვა არლუთინსკებს...

არლუთინსკები თვით ბედმა არგუნა თფილისს ქალაქის გამგეობის წევრებათ და მათი გამოცვლა ქალაქს დალუბავს.

მართალია, ომიწ დროს ზოგიერთ სარდალსა სცვლიან, თუ კარგი არ გამოდგა, მაგრამ ქალაქის მოურავი და გამგეობის წევრები ხომ სარდლები არ არიან; მტერს არ ებრძვიან და მაშასადამე ვერავის ვერაფერს დაუშავებენ.

ან რა საჩქაროა ომის გათავებამდე ხმოსნების არჩევა. ომი ხომ მეორეთ მოსვლამდე არ გაგრძელდება... ესტკვათ, ორიოდ წელს კიდევ გაგრძელდეს ომი, ან ოთხოდე წელს. რა დიდი საქმეა...


არჩევნის გადადებას ომის გათავებამდე დასტური ღართო თვით „კავკასკოე სლოვომ“. ეს გაზეთი ბძანებს — ეხლა არჩევნების დრო არ არისო. დაე დარჩნენ ძველი ხმოსნები, ძველი მოურავი და ძველი გამგეობაო.

მათი მოღვაწეობა და მოქმედება არც იმაზე

კარგი იქნება, რაც ოთხი წლის განმავლობაში იყო და არც იმაზე ცუდით.

ამიტომ არჩევნები უნდა გადაიდოსო. კარგი საბუთია, მე და ჩემმა ღმერთმა. არა, სულაც რომ აღარ მოხდეს არასოდეს არჩევნები, რა დაშავდება?

ხმოხანი ეშმაკი.



## მესტვირული

(ჭრელი ფიქრება)

ბრძოლის ველზე ვარ, გარშემო  
მტერი მყავს შემოსეული;  
თუმცა ბევრს ვზოცავ, მაგრამა,  
მაინც ბევრია წყეული.  
ჯერ მაგრათა სდგას კიდევა,  
სჩანს რომ ხელს უწყობს გრძნეული;  
ვერ ვიტყვიტ საბოლოათა,  
თუ ვინ იქნება ძლეული.  
ხან თხრილებიდან ვსროლილობთ, —  
იხვეა ყოფნის რვეული;  
ხან მივესევით პირის-პირ  
ხელ და ხელ გადარეული.  
ზოგი აქ ცვივა, ზოგი იქ  
თავ-გულ-მკერდ გადახეული;  
სიკვდილი ცელ მომართული  
ცხვირ წინა მიდგას წყეული;  
მაგრამ მაინც მსურს დაფუკრა.  
(არ ღგება გული ჩვეული)  
დავადლინო სიმღერა.  
სიმწარით გამოწვეული.

დღეს ისეთი ხანა დადვა  
მწუხარების, სიკვდილისა,  
რომ არავის შეუძლია  
ახსნას ბაგე სიცილისა.  
არვინ ფიქრობს დაინახოს  
მზის სხივები ხვალ დილისა  
და მღვიძარეს ეშინია  
მოსვენების და ძილისა.  
იქნებ ძილში ჩასცეს მტერმა  
ალესილი წვერი ხმლისა;  
დღეს დრო არის კენესა-ოხერის,  
მოთქმა — ვიშის, ტირილისა.

მაგრამ დრო ხომ ცვალებადობს,  
ბრუნავს ჩარხი ჟამთა სვლისა;  
ბნელს ნათელი ხოლმე სცვლისა.  
და მეც მინდა მივლიდინო,  
სურვილი მაქვს სიცილისა;  
მსურს სიცილით რომ ვაფჟანტო  
შავი სახე სიკვდილისა.

მართალია დღეს ვილგელმი  
დროს თავისად ათამაშებს,  
მაგრამ ვიცით იგივე დრო  
დიდხანს რომ არ აფარფაშებს  
მომავალში მისთვის კარგი  
არ რა მოაქვს ომს, მის ნაშეებს;  
ვერ დაიტყვს მიწა ამდენს  
სისხლს უბრალო გამოანაშეებს. —  
აღვირ-ახსნილ მის სურვილებს  
თავისუფლათ დღეს ანაშეებს  
ხელს ჩაუჭერს მკაცრი ბედი,  
აღარ მისცემს გზას გასაშეებს,  
მე არ ვუკრთი მის სიმხეცეს  
ჯოჯოხეთის კუჭით ნაშეებს, —  
ჩემის ხელით ჩამოვავლეჯ  
ზე აბზევილ მის ულვაშებს. —

კარგათ ვიცით ბონაპარტმა  
თუ მოსკოვში რაცა ნახა;  
შვა ზამთარში გააცხელა  
და გაუშრა სიციხით ხახა, —  
დამარცხდა და გაიპარა,  
გაქრა, რაცა განიზრახა;  
ცად ასული მისი ბედი  
ჩამოვარდა, დაიმარხა... —  
დღეს ვილგელმმა რუსეთისა  
რომ საზღვრები გადმოლახა  
და ვარშაის მან აღება  
უეჭველად განიზრახა, —  
მერე რაა? რომც აიღოს,  
გაუშრება მასაც ხახა?

ავსტრიისა ბერი მეფე  
გაყენთილი ბოროტ გრძნობით,  
გაიტაცა ბრძოლის ნდომამ,  
მიეკედლა ვილგელმს ძმობით.  
გადმოლახა მან საზღვრები,  
მიერია რუსეთს მტრობით,  
დამარცხდა და იგლეჯს წვერებს,  
სტირის, მოსთქვამს ბედის გმობით. —  
ჯერ სად არის, აწი ნახოს  
რომ დამრჩება კუჭის ხმობით.

ვაზაფხულზე ბუდაპეშტში  
 ფეხის ფეხზე გადაყრდნობით  
 დაესკუტუპდები სასახლეში,  
 გულ-დამტკობი ქება—ხობით  
 აბა მაშეინ იყოყოჩოს  
 კაიზერის იმან ქობით,  
 რუმინია, ბულგარეთი  
 რასა ფიქრობს ვანზე დგომით?  
 თითოს მაგრათ რომ ვუთაქებ,  
 თავს მოიხრის მეგობრობით...

ტკბილი არის ოცნებობა,  
 ლექსი მოდის მეტად გრძელად—  
 დღეს დროება შეიცვალა  
 უფრო ცხარედ, უფრო მწველად.  
 ოსმალეთი ადგა ჩვენზე  
 დასარბევად, დასაწველად.  
 სურს ისევე გაგვახსენოს  
 რაც ყოფილა ჩვენში ძველად.  
 თბილისი სურს ვაემატონსა  
 ბინძურ ფეხის მოსართხმელად;  
 ოსმალეთი თვის დაღუპვას,  
 დანობის დღეს ადრე ნახავს;  
 სხვისი რომ სურს დასაპრობათ,  
 ვერც თავისას შეინახავს...

და სულ ადრე ვაიგონებთ,  
 რომ თათრები დაძლეულა,  
 არზუმიდან ის ძუნძულით  
 სტამბოლისკენ გაქცეულა  
 და სტამბოლიც ჩვენის ჯარით  
 დაპყრობილა, დაქცეულა;  
 ოსმალეთი ვერც ადგება,  
 ისე მაგრათ წაქცეულა;  
 ჩვენს მტრებსა რომ არ ექნება  
 წამოდგომის ძალა—ღონე,—  
 მხოლოდ მაშინ გამიხსენე  
 მხოლოდ მაშინ მომიგონე;  
 მანამდე კი...

დავიღალე,  
 ჩემი სტვირი ვანზე მივდე  
 და ვინ იცის რომ მელირსოს  
 ხელთ აღება მისი კიდე;  
 მაგრამ დღეს კი ამ ლილინით  
 გული მაინც დავიმშვიდე...—  
 მტერი მოდის და გვიბრძანებს  
 იერიშით წინ წავიდე.

ბერი ქედანი.

### „მათრანის“ შარუები



ი. გრიშაშვილი.

ახალ-მოდნი მგოსანი ვარ  
 თვალ ტანადი სასიამო;  
 ვიცი როდის გამოვაწყო  
 ან დილა და ან საღამო.  
 ასე არ ვქნა, რით ვიცხოვრო,  
 რა ჩავიცვა, ან რა ვქამო,  
 ან ვის უთხრა „უქანქაროთ“—  
 „გენაცვალე“, „ტყეში წამო“?!

ნიორი.

## ს ი ტ ყ ვ ა

წარმოთქმული აკაკის დასაფლავებაზე ევგენი  
 გეგეჭკორის მიერ.

მოქალაქენო! ამ საშინელ და დიდათ სერიო-  
 ზულ დროს, როცა მსოფლიო გახვეულია ცეცხლის  
 აღში, როცა ორი მხრით ჩვენ მტერი ვვადგია და  
 თვითველი ჩვენგანი მხოლოდ და ფიქრობს ბრძო-  
 ლის ველზე გასულ შვილზე, ძმაზე და ნაცნობ მე-  
 გობარზე, როცა გლოვის ბნელ ზეწარით გადაფარე-  
 ბულია მთელი ჩვენი პაწია ქვეყანა, აი ამ დროს  
 უცებ, რაღაც ჯადოსნური ძალით დაივიწყა ჩვენმა





ვაგენი გვაგვიშვილი.

ხალხმა ყველა ეს გაკირვება, დაივიწყა ყველამ თავისი პირადი გლოვა და მიეცა განუზომელ მწუხარებას, შეიმოსა ძაბით ერთი პირის დაკარგვის გამო. ეს პირია თქვენ წინაშე მდებარე დიდებული ცხედარი, ჩვენი საყვარელი მგოსანი აკაკი. თქვენ უნდა გენახათ ის აუარებელი ხალხი, რომელნიც ხედებოდნენ ძვირფას ცხედარს მთელ ამ შორ გზაზე საჩხერიდან თფილისამდე და მუხლ მოდრეკით, დამწუხრებული სახით თავყანას სცემდნენ წმინდა ნეშოს, უნდა გენახათ თვალკრემლიანი, აკვითინებული სოფლის მცხოვრებნი, რომ გეთქვათ: მოკვდა საქართველოს უდიდესი შვილი და მის წმინდა ცხედარს მოკრძალებით საუკუნო სამარმდის აცილებს მადლიერი ურიო. ეს იშვიათი სახალხო გლოვა არ არის გლოვა მოწყობილი მეთაურთა და ჯგუფთა მიერ წინდაწინ განზომილი; არა, ეს არის გლოვა სტიქიური, მასის სულის კვეთების შადრევანსავით ამოხეტქვა — შეუჩერებელი ბუნებრივი საერთო დამწუხრება. რაშია საქმე? როგორ დაიმსახურა ერთმა კაცმა ასეთი გულწრფელი სახალხო გლოვა? ასეთი დიდი, განუზომელი სიყვარული? რა იყო აკაკი ხალხისათვის და ხალხი აკაკისათვის?

მხოლოდ ორი მგოსანი მიუახლოვდა ყველაზე უფრო ახლო ქართველი ერის სულიერ განძს, მის შინაგან წმინდათა წმინდას, მის გრძნობებს და ნაციონალურ ტემპერამენტს. ისინი შევიდნენ ნაციის უზილავე საღაროში, ჩაწედნენ მის სიღრმეს და გამოიტანეს იქიდან საუკეთესო მარგალიტები და შემდეგ ის გამშვენიერებულ ვასპეტაკებულნი, საუცხოო მუსიკალურ პოეზიით გარდაქმნილი ხალხსავე

უკან დაუბრუნეს და ციურ ჰანგებით გამოსქედეს ეროვნული ორგანიზმით. ეს ორი მგოსანია რუსთაველი და აკაკი. საჭირო იყო რვა საუკუნე, რომ რუსთაველს მისცემოდა ღირსეული შემკვიდრე. თავისი მოტივებით, თავისი ჰანგებით ეს ორი მგოსანი განსხვავდებიან ისე, როგორც განსხვავდება მათი ეპოქა. აკაკი მეთორმეტე საუკუნეში იქნებოდა რუსთაველი, რუსთაველი მეცხრამეტე საუკუნეში იქნებოდა აკაკი. რა იყო აკაკის პოეზიის მთავარი ჰანგი? რის სამსახურათ გამოიყენა მან თავისი ზეციური ნიჭი? რას უგალობდა ის? აკაკი საზოგადო ასპარეზზე გამოვიდა სწორედ მაშინ, როდესაც ჩვენი მშრომელი ხალხი მონობის მძიმე უღლის ქვეშ გმინავდა და ისიც მთელი თავისი ძალ-ღონით ეკვეთა ამ საშინელ ბოროტებას. შემდეგ იმსხვრევა მონობის ჯაჭვი და ის ღვთაებრივ, სულის წარმატებულ ჰანგებით უმღერს თავისუფალ გლეხის შვილს. ამ უკანასკნელში ის ხედავს იმ მცხოვრებელ ძალას, რომელმაც უნდა შეუცვალოს ძირიან ფესვიანად ელფერი ჩვენს საზოგადოებრივ ცხოვრებას და გაუკაფოს ქართველ ხალხს ფართო გზა საკაცობრიო იდეალისკენ. თავისუფალი გლეხის შვილი ცოდნით აღჭურვილი, აი რა დაუდგა საფუძვლათ მის ღვთაებრივ პოეზიას. ახალმა ეპოქამ წარმოშვა ჩვენში საზოგადო დაწესებულებები: ბანკები, პრესა, თეატრი და ჩვენც ვხედავთ დიდებულ მგოსანს ცხოვრების ყველა დარგებში „დროების“ დემოკრატიულ ჯგუფის მებაირადტრეთ. ის ებრძვის შეუპოვრად ყველა იმათ, ვინც ამეფებდა ზრუნვას ჩინ-ორდენებზე და პირადულ ინტერესებზე, მისი მწვავე და მამვე დროს ტკბილი სატირა მუსრს ავლებს და საშინელ არევ-დარევას იწვევს ქვემძრომ, ფლიდ „რუსეთუმეთა“ ბანაკში.

დგება ისტორიული ხანა 1905 წელი და ამოძრავებული ხალხი მიისწრაფვის თავისუფლებისაკენ და საყვარელი აკაკი აქაც იმევე დემოკრატ და ოპოზიციონერად ველინება სამშობლო მხარეს. რადგან მას სწამდა, რომ წყალი ხორცს ჰბანს და სისხლი სულს. მოქალაქენო, ჩვენი უკვდავი აკაკი თავის უკვდავ ლექსებში უგალობდა თავისუფლებას როგორც თვითველ პირს, ისე მთელ ერს; თავისუფალი ხალხი თავისუფალ სამშობლოში, აი მისი დროშა. მხოლოდ მისი ძლიერი სიმები არ ნაკლებ ელფროდენ სხვა დაჩაგრულ ერთათვის. ის იყო პატრიოტი ამ სიტყვის კეთილშობილური მნიშვნელობით. ერთა შირის თანასწორობა და ურთიერთ შორის სამართლიანი, მშვიდობიანი მეზობლობის დამყარება, ეს არის მისი ნაციონალური ჰანგების მთავარი სარჩული. დიდებული მგოსანი ბოლომდისნ შერჩა

„დროების“ დებულებას. „ერთად დგომით ავშენდებით, ცალ-ცალკე დგომით დავიქცევით“ და განა ეს საამდროვეო ლოზუნგი არ არის? განა დღესაც ამ საერთო ქართველის დროს არ გვჭირია ერთად დგომა და ერთმანერთის ხელის შეწყობა? განა კავკასიის ერები არ საჭიროებენ ძმურათ ხელის ჩაკიდებას და საერთო მტერთა წინააღმდეგ შებრძოლებას? დიახ, მოქალაქენო, ჩვენი სიამაყე აკაკი არ იყო მომხრე დაჩაგვრის და განადგურებისა და ეს დროშა არის იგივე დროშა კავკასიის ინტერნაციონალური დემოკრატიის. აკაკის გენიალურმა შემოქმედებამ, მისმა ლეთაებრივმა პოეზიამ დაუმტკიცა მთელ განათლებულ კაცობრიობას, რომ უკვდავია ერი, მისი წარმომშობი; რომ ქართველ ერს ჯერ არ უთქვამს უკაცნელი სიტყვა. მშრომელი ხალხის სახელით მუხლს ვიდრეკ შენი ცხედრის წინაშე და ვაცხადებთ, რომ ერთად ერთი მგოსანი უკანასკნელი საუკუნისა, რომელიც ღირსია საჯაროთ დაფნის გვირგვინით შემკობისა მსგავსათ ძველი საბერძნეთის გმირებისა, შენ ხარ ძვირფსო ჩვენო საყვარელო აკაკი.

### ს ა ტ რ ფ ო ს

(ძღვანდ ნ - ნს).

ნაზო, ნარნარო,  
სხივ-მოცინარო,  
შენ მხოლოდ წმიდავ,  
ნამებრ კიმციმავ!..  
შენა ხარ, შენა,  
ზე-აღმაფრენა;  
შენით ესულდგმულობ,  
როს შენა გგულობ;  
შენგან მაქვს შეება,  
როს მტანჯს ვაება,  
ოხვრა, ნალველი,  
ცეცხლი დამწველი;  
ამდროს შენ გელი, —  
შველას მოველი!..  
ეს ქარიშხალიც,  
ეს ცეცხლის ალიც,  
დღეს რომ ძრწის მგლურად —  
თვის უნებურად;  
ნუ, ნუ გგონია,  
მონავგონია,  
რომ გზა გაკაფოს —  
გეწვიო — სატრფოს...  
ნაზო, ნარნარო,  
ბაგე-მლიმარო,  
მე შენ მოგელი  
მომეცი ხელი!..

მის ნინოწმინდელი.

### ს უ რ ა თ ე ზ ე

(უძღვნი სტ. ჰ — ძქს)

რომ განამტკიცო კავშირი ძმური, —  
სულ სხვა ჯაჭვია მისთვის დაწული...  
(რწმენა მაგარი, სიმართლე წრფელი, —  
აი, ის ძალა არის რომელი...)  
მაგრამ, ცხოვრება ტანჯული, მწარი,  
რომ თვალწინ გედვას — ეს სახსოვარი  
მისთვის მოგიძღვენ, — რომ ამხანაგი,  
აგრეც ტანჯული, მედგარი, შმაგი  
ამ სხვის სურათში თვისსაცა ნახავ  
და შეუბოვრათ შესძახებ: — „ჩმახავ!..  
ვერ მოგვატყუებ გველური ენით;  
ვერც გაგვტებ წელში მახვილით შენით...  
კმარა. განშორდეს ცხოვრებას ცული!..  
შორს, ბორკილებო! აწ განადგურდი!..

ს — ლი.

### რუსეთის გაზეთები

რუსულ გაზეთში „კიევსკაია მისლ“ ვას. ჩაგვეცი სწერს:

„ამ დღეებში გარდაიცვალა საქართველოს დიდებული მგოსანი. სწორედ საკვირველია, რა ძლიერ ცოტა სთქვეს ამ მგოსნის შესახებ რუსეთის გაზეთებმა. თითქოს მგოსანი ჩვენი დროის კაცი არ ყოფილიყოს, ეხლა არ ეცხოვროს ჩვენ შორის, თითქოს გარდაცვლილიყოს თანამედროვე მგოსანი კი არა, არამედ ლეგენდალური გომერი, რომლის შესახებ ცნობები მოაზოვება ენციკლოპედიაში...“

ზომ კარგათ ვიცით, რომ მგოსანი იმ ხალხის სული და გულია, რომელთანაც მეზობლად და მეგობრად ვცხოვრობთ მთელი საუკუნის განმავლობაში.

სამწუხაროდ, რუსეთი სრულებით არ იცნობს კავკასიას. კავკასია მისთვის კავკასიაა და მეტი არაფერი. მისი საწნელის გარდა რუსმა არაფერი იცის.

— მარჯუნევი მიიხედავს რუსი, — რა ვიცი, რა საქაჯეთია, მარცხნივ — ეშმაკსაც წაუღია. შუაგულში კავკასიის მთებია.

რუსს ასე წარმოუდგენია კავკასიელი: . ფაფახი ხურავს, ნაბადი ასხია, ხანჯალი არტყავს და თვალებიდან ცეცხლს აფრქვევს.

მწვადი, ლეკური, ალავერდი...  
რუსის მკითხველი გაოცებულია ხოლმე, როცა კავკასიის საქმეებზე ჩამოვარდება ლაპარაკი.

— რაო? სომხეთის ავტონომიაო — სომხეთიც კავკასიას ეკუთვნის? საქართველოს ეროვნებათა

შეერთება, ოსეთის აღორძინება - ნუ ფუ ყველა ეს კავკასიელს შეეხება?

უკვირს რუსსა და ვერაფერი გაუგია. ასევეა ლიტერატურისა და პოლიტიკის შესახებაც.

ამიტომაც არ არის საკვირველი, რომ საქართველოს დიდებულ მამულიშვილისა და მგონის შესახებ გაზეთებმა, მხოლოდ თიიოროლა და ისიც დაძველებული ცნობა დაბეჭდეს ენციკლოპედიიდან.

მართლა და ასეთი გულგრილობა რუსისა კავკასიის შესახებ სწორედ რომ გასაოცარია.

აბრა.

### მეგობარს.

(თარგმანი)

სწული სულის სიღრმიდან ოდეს მომსკდარ გენიამ თვალი დამიბნელოს; ძმავ, ფრთხილად, გული არ დაგიღონდეს; თუნდ ტანჯვას გრძნობდე თვით უსაშველოს...

ჩემს წამებასაც აქვს საყუდარი, თვისი წესრიგის... თუ კი ინება, სწრაფლ გამშორდება სევდათა ჯარი, სულის ღუმელში გაიყინება...

იწ. ტოფაძე.

### პურ მოპრული აგბავი

— ააა, კაი გამარჯობა ჩემს თომას, კაი, ხომ კარგათ ხარ, ჩემო თომა? მერწმუნე, ძაან გამეხარდა, რომ გნახე; თითქმის წელიწადზე მეტია არ მიწახვებარ და, შენ წარმოიდგინე, რამტელი ცვლილება მოგცემია ამ მცირე ხანის განმავლობაში. ერთი წელიწადიც კიდევ რომ არ მენახე, დაიჯერე, ვეღარ გიცნობდი.. აბა, უყურე, თეთრიც კი გამოგრეგია თმაში, რა დროს 'შენი, ჭალარაა კაცო!' ხედავ, მე რამტელი ხნით შენზე დიდი ვარ და ერთი ღერიც კი არ მირეგია თმაში!.

— ეჰ, ჩემო ძმაო, თმაში თეთრი კი არა, თმა რომ თლათ გაცვენილი არა მქვს, არ გეკვირს ჩემი ცოლის გადამკიდეს?... .

— ეჰ, შენ ხომ ქალების სამღურავი მუდამ იცოდი და კიდევ არ მოგიშლია!.

— მე მაშინ დავიშლი ქალებზე სამღურავის თქმას, რომ ისინი ყველა ომში გაეწვიათ...

— ქალები, თორემ შენ არაპირებ ომში წასვლას?

— ომში, ძმაო, ხუთი წელიწადია გაბმული ვარ და, მე მგონია, სიკვდილამდი ვერც გავათავებ ომს; ვერც დავიხსნი თავს ჩემი მოპირდაპირისაგან ვერაფე-

რი გადასახადით; ვერაფერი კონტრიბუციის მიცემით და რიგით სხვა ომი აღარ მეკუთვნის...

— კარგი ერთი, თუ ღმერთი გწამს 'შენ ხუმრობას გაყევი და აღარ მაცალე დანარჩენი ანბავიც-მეკითხა. შენი მეუღლე როგორ არის? გუშინ მი თხრეს ძაან ავად არისო, ეს ორი დღეა ლოგინიდან არ ამდგარა - წვესო. მართალია?

— მართალია

— უჰ, ღმერთო მომკალი! თუძმახარ ბოდიში მომთხოვე იმასთან!.. კაცო, უბედურებაა ხომ ეს ჩენი სამახური: იმტელ დროს ვერ იშოენი, რომ მიხვიდე ვისთანმე და ინახულო...

— არა, ძმაო, ნუ გგონია, რომ მაგგვარი გულ-შემატკივრობისთვის მადლიერი დაგრჩე...

— რატომ კაცო?

— იმიტომ რომ 'შენ ჩემი ორი დღის თავისუფლება შეგშურებია...

ჭიჭიკო.

### სოლომონ ბრძენის რჩევა

(შაირი)

ბავშობისას სოლომონი ცხენობანას თამაშობდა; ცხენსა იჯდა უსხეულოს; თავის დღეში კვიცს არ შობდა. უფრო იყო შინდის კეტი, იმისთვის კი რაშსა სჯობდა. გარბოდა და გამორბოდა თავის ჯირითს მით ამკობდა.

წინ გადუღდა ერთი კაცი, სთხოვა, ბავშო, მომეც რჩევა. ცოლის შერთვა განვიძრახე, მასწავლეო მის არჩევა. ქალწულს, ქვრივსა, ქმარ-განაშევებს რა განსაზღვრავს, რით ირჩევა? ამისხენი შენსა გაზრდას აგრემც ღმერთი შეგეწევა.

სოლომონმა უპასუხა: შენს კითხვებზე მეცინება. ნუ თუ შენ ვერ გაარკვიე მავა სამთა განსხვავება? ქალწულს ითხოვ შენ იცოდა და თუ ქვრივსა-მისი ნება, ქმარ გაშვებულს თუ შეერთავ, იქით წადი, ცხენი ფრთხება.

ეს უთხრა და მათრახი ჰკრა  
 გააქენა თვისი რაში.  
 რჩევის მოხოვი გააშტერა,  
 როგორც მოლა ჩასო ჩლაში.  
 ფიქრს მიეცა მოულოდნელს,  
 გადერია ფიქრის ზღვაში.  
 გამოერკვა და საცოლვე  
 აირჩია ერთი სამში.

სალომონის ეს პასუხი  
 დარიგებას უფრო ჰგავდა,  
 მას პირის-პირ არა ჰკადრა,  
 არ აწყინა არ გაავდა.  
 მათრახი ჰკრა ჯოხის ცხენსა;  
 აჩუ\*ცხენო, გაუჯავრდა.  
 აბა ჩემო მეგობარო,  
 სამში რომელს შეირთავდა?

გირჩევთ ყველა საცოლესა,  
 შეუდექით გამოკლევას,  
 მხოლოდ კი არ გადუხვიოთ,  
 სალომონის წმიდა რჩევას.  
 ვნებათ დელვამ არ დაგძლიოთ,  
 თქვენ სცდილობდეთ მის დაძლევას.  
 ამა რჩევით მოიშორებთ  
 ცოლის შერთვით ბედის წევას.

ან განჯის-კარელი ი.


## გურული სცენა.

შენი მტერი და ორგული შეწუხდა ისე, შენს  
 დამაწყევარს და ავის მდომელს გადიერო ისე ძმარი  
 გულზე, რაეც ჩვენ შევწუხდით და რავარც ჩვენ  
 გადაგვერო\*ძმარი გულზე, რაეც კი შევიტყვეთ  
 აკაკის სიკვდილი. ვითამ რაე არ შევწუხდებოდ-  
 და არ დავლონდებოდით! ვინ იყო იმისთანა განი-  
 ქებული და ღმერთ გამწყრალი გურიაში, რომ მისი  
 სახელი არ ქონოდა გაგებული და იგი არ სკოდ-  
 ნოდა, ვინ იყო აკაკი. უმისოთ მე შენ გეტყვი და  
 ტირილი ვარგოდა თუ ქორწილი ჩეგური თუ გი-  
 ტრა. დღე და ღამე, ძილში და ღვიძილში სიზ-  
 მარში და ცხადში, გლენისას და აზნაურისას, ყოლ-  
 თვინ, ყველგან და ყველას აკაკი ეკერა პირზე. მო-  
 გეწონებოდა ლექსი, გადაგფერავდა გულზე, მიგა-  
 ნაბიებდა თვალებს, გამოგაკეცეტიებდა ყურებს, და-  
 გაფჩენიებდა პირს, გადაგახალისებდა, ერთს ყურს  
 მოკრავდი და ზეპირად იცოდი, ასიგზობა გეიგო-  
 ნებდი და ღმერთო ათასიგზობა კიდევ გამაგონეო  
 იტყოდი, რომ არ მოგწყინდებოდა, დამწყერს დალო-  
 ცავდი და გენაცვალე ყიაშიო წამეიკრიმანქულებდი,

ამფერი იყო აკაკის ლექსები და ამფერი ღვთის ნი-  
 ერი და ცათა სტორი კაცი გადიელო ქვეყანას და  
 რაეა ფიქრობთ არ მოგვექექებოდა გული? გვეწყი-  
 ნა მარა პაწეი კი არ გვეწყინა, მარა რას იზამ რა-  
 საც ვერ მიერევი იმას რომ ექედო, აბდალაი იქნები...  
 მევიყარეთ თავი ძველებურა და არც თლა ძველე  
 ბურა ასე აგერ გუშხამა, ასე ქეია ამ ათი წლის წი-  
 ნათ რომ ვიცოდით, მევიყარეთ თავი, ევრჩიეთ  
 თავმჯდომარე და დაუსვით საკითხი რაფერ გვეცა პა-  
 ტივი ქვეყნის მიცვალებულობა და რა მონაწილეობა  
 მიგველო მის დამარხვაში. ვილაპარაკეთ, ვიმჯღელეთ,  
 ვიკამათეთ და გამოვარკვიეთ, რომ ჩვენც გურის  
 გლენობამაც უნდა გავგზავნოთ დელეგატი და ჩენი  
 სახელით იქინეი ამან სიტყვა უნდა თქვას... კიდევ  
 კი დეილოცა ახალი დროი თვარა ძველი დროი  
 რომ ყოფილიყო, აკაკის დამარხვაზე მარტუი გუ-  
 რიიდან მუუვიდოდა ერთი სამი ათასი მოზარე, მი-  
 სი წასაბურავი და მისი შესაწიერი და ახლა მთელ-  
 მა გურიათ ერთი დელეგატი გავავზავნეთ და არც  
 მოზარე უნდა, არც ხელში ჩამკიდე, არც ჩამკიე-  
 ლებელი და არც დამშვენებელიო... წამხთარ საქ-  
 მეზე და ამ საშინელ სიმშლიობაზე აგიც კაია, კი  
 დაგმართოს, მარა პაწეი იმის გაგონებაც ქე მიამა  
 დელეგატი გავგზავნოთო რომ გადაწყტა, ვიფიქრე  
 აგია აკაკი რომ სწერდა მოვესწრები რაც მინდო-  
 დაო, ვიფიქრე ცოცხალი ვერ მიესწრა მარა იგი  
 დელეგატობა და დელეგატსკი პოეზი დამარხვამდი  
 მაინც ქე მიესწრა მეთქი, გამიხარდა, გული ამიციუნ-  
 ტრუკდა და დელეგატს რომ ირჩევდენ დამასახელეს.  
 ქე დავიდგი მეც ყუთი, ვიფიქრე იქნება ჩემიც გა-  
 მოსათავია და ერთს დელეგატსკი პოეზით მაინც  
 ჩავებრიგინდები თფილისში და რაცხას დამიმოწმებენ  
 აგი მეზობლები იქინეი რაეა ვერ ვიტყვი მეთქი...  
 ჩავედი საჯავოხოში... ჩავჯედი პოეზში, მარა უკა-  
 ტრავად ჩავჯედი კი არა გავჩერდი ფეხზე რაცცხა,  
 მთლად ამოშუშებული იყო ხალხით მთელი პოეზი,  
 ვიფიქრე ყველაი დელეგატია მეთქი და ქე მეწყინა  
 გურისას რეიზა აჯობა სხვა კუთხემ მეთქი... ჩამეია-  
 რა კონდუქტორი და მეითხოვა ბილეთი. რა ბილე-  
 თი, რაის ბილეთი, მე დელეგატი ვარ მეთქი... რა  
 გამისხრებს ამ ხნის კაცსო მითხრა, ხომ არ ვინდა  
 ჯანდარს დუუძახოო. ერთი სიტყვით არ გვეიდა ჩე-  
 მი მასთან აფერი და ვიკადრე სამტრედიაში ბილე-  
 თის აღება... ჩამევედი თფილისში მარა რა ჩამევედი.  
 ძალიანი დიდი ჯარი იყო... ამისანაი ტირილის  
 მომსრე არ ვარ ჯერე. კიდევ კი რომ ახალი დრო-  
 ია და კაცის დამარხვაზე აღარც სასმელი  
 იციან და აღარც საქმელი თვარა ყველაიზა რომ  
 საქმელი ექმეინ ყველაი წერეთლების სოულობა არ

გააძღვებდა ამ სერესკელს... გამევიდა წირვა გამუჰ-  
 სვენეს... დასვენეს სულცხონებული დიდ მიედანზე  
 აქანაი ახლა გამოსათხოვარი სიტყვები უნდა უთხრა-  
 ნო... ევებუძგე, მევიშაღე კონდახში. აქანაი სიტ-  
 ყვის თქმაი კი არ დარჩა თლა ადვილი, მე გვიმრა-  
 ლაში და დობირაში ვიყავი კაი ორატორი, რომ  
 შევდგებოდი ჯიკვზე ჩემს მესხებლებში თვარა აქანაი  
 ქვეყანა იყო და მე რაფერ გავებდავდი, მარა რომ  
 არ მეთქვა გურიაში ვერ ჩავიდოდი მოლაღატეს და-  
 მიძახებდენ... ამიზა ქე ვითხუე მეც... გვიდა უწინ  
 ნიკოლაძე, ილაპარაკა რაცხა, მარა ფუჩუნობდა და  
 ვეფერი გვიგონე, ილაპარაკა მერე ჩენი დებუტა-  
 ტი რომ იყო გეგეპკორი. მოვკამე ჰირი ყარყანტო-  
 ში, ყორიფელი კაი აქვა მარა ზოქალაქენოო რომ  
 თქვა ამხანაგებოო არ დააყოლა არ ვიცი დაავიწყ-  
 და და არ ვიცი არ გვიკადრა მარა რაცხა თქვა ისე  
 კარგად თქვა, რომ ყველაი კაკლა კაკლათ გავგავო-  
 ნა და პაწეი აგი სულ ცხონებული დროიც ქე გა-  
 მახსენა... მერე იმან ილაპარაკა გეგეპკორს რომ  
 შიეცილა აწი მე ვიქნები დებუტატათო, აბაშიდემ,  
 ვერ წვეიწყმენდ სულს იმანაც კაი ლამაზათ ილა-  
 პარაკა მარა სად იმის რიხი ძმავ და სად ევგენის...  
 კაი ამ ორმა ნადებუტარმა და სადებუტატომ რომ  
 ილაპარაკეს ნამდვილი დებუტატი ვიკითხე და მი-  
 ხრეს იმას არ სცალიაო ტირილზე კი არა დუმაში  
 ვერ წვეიდაო, ვირებს და ჯორებს ყიდულობსო...  
 მერე ილაპარაკეს თათარმა, სომეხმა, ურიამ და რა  
 ვიცი ყველა რჯულის და ენის კაცმა, მეც ქე მე-  
 ვითხოვე აწი მეც მათქმით ჩემი სათქმელი გუ-  
 რიის გლახების მაგიერ მეთქი, მარა მქაჩეს ხელი და  
 არ გამიშვეს ტრიბუნაზე... კმარა რაც ითქვაო, მე  
 მქონდა ვექილობა და, მე ჩემი ვექილობა არე-  
 კაციზა გადამიცია და ძალიანი მიკვირს და დიდ  
 პროტესტსაც ვაცხადებ, რომ ნება არ მომცეს ჩემი  
 სათქმელი მეც მეთქვა, მეც გული მემეოხებია და  
 ჩემი ვალი მომეხნა... რა იქნა შე დალოცვილო  
 გლახის ალაპი ზომ არაა რავა პოლიცია არ მიშლის  
 და შენ მაზე ვარესი რაფერ ვახდი... თუ ქუთეისის  
 ქალაქის თავს მიეცით პოდრათათ ყველაის მაგიერი  
 სალაპარაკო, იმან თუ ხუთ ადგილას და ხუთჯერ  
 თქვა მე ერთი რეიზა არ მომიწია, მარა აფერია იქ-  
 ნება ქე ჩამოხვიდეთ კიდევ გურიაში და ვინც ჩენი  
 პარტიის არ იქნებით, არც ჩვენ ვალაპარაკებთ.

ტარხუნა.



## დაბა-სოფლები:

**საჯევახო.** საჯევახოს სადგურის „მოხელეებს“  
 და „ტვირთ მძიმე“ მუშებ შორის „დიდი სოლი-  
 დარობა და კავშირი“ დაარსდა. წარსულ შემოდგო-  
 მაზედ ასეთმა კავშირმა „აკუპაცია“ უყო ერთ ჯიუტ  
 მუშას - გვარად გოგიტოურს, — რადგან ხსენებული  
 მუშა „კავშირისათვის“ „არასაიმედო“ გამოდგა.

— აქაურ ზოგიერთ მოვაჭრეებს ერთხმით გა-  
 დაუწყვეტიათ, რომ „სამკითხველოში“ ფეხი არ  
 შედგან, რადგან ომის საშინელი ამბებით შეიძლება  
 ყველას „ნერვები“ აეშალოს. სამაგიეროთ „ჩერეზ  
 ტიომნი“ და „კარტ-ნარტ-კამათლები“ ძალიან „ხოდ-  
 შია“, და ზოგიერთი ვაებატონები ტენის ამით ავარ-  
 ჯიშებენ. — ყველა ამებთან ვაჭრებს გადაუწყვეტია,  
 რომ სავაჭრო ნივთებს ფასი ერთი ხუთათ აუწიონ  
 და ასე დამშეულ სოფლებებს თანაგრძნობა გაუ-  
 წიონ.

— საჯევახოს ბანკის გამგეობას და საბჭოს გა-  
 დაწყვეტილი ქონდა, რომ ომში დაჭრილთათვის  
 საჯევახოში 1 1/2 საზოლი მანც მოეწყო. ამ მიზნით  
 გახსნეს კასა, მაგრამ შიგ ერთი შაურიც არ აღმოჩნ-  
 და. ჯერ-ჯერობით ვერაფერი გაიგეს — სად გაიფლან-  
 გა ბანკის ფულები.

— თითქმის ყველა მახლობელ საზოგადოებებ-  
 ში წვრილ-წვრილად და მსხვილ-მსხვილად საზოგა-  
 დოებისგან აკრეფილი ფულები „შეუყლინწავსთ“  
 „ვილაცას“. ამ „ვილაცებს“ ეძებს ხალხი, მარა ჯერ  
 დანამდვილებით ვერ მიაგნეს. ზოგი „მოსე მწერ-  
 ლებს“ აბრალებს და ზოგიც „აღვირ-წახსნილ მამა-  
 სახლისებს“. განზრახვა აქეთ ადგილობრივ ადმინის-  
 ტრაციას ყოჩალი კომისიები აარჩევიონ.

ჯოჯოხეთელი.

**სამტრედია.** თუ რომ ვიცოდე, რა ხდება

ამ ჩვენ კურთხეულ დაბასა,  
 ვინ რას მოქმედობს, რას ეტრფის,  
 ან თუ ქალები — კაბასა  
 რავს იკერვენ, — რა გვარად,  
 ანუ როგორი ფერისა...  
 თუ შეიძლება ვიცოდე  
 აღწერა ყველაფერისა.  
 რა უნაკლულად აგიწერთ,  
 რომ გამოვიდეს მთლიანად  
 დასაგმობ-მოსაწონარი  
 განსაჯოთ სამართლიანად.  
 მაგრამ, ვაი თუ გამოიწყრენ,  
 მოხუცსა მცემონ ჯოხითა,

ვეცი, რომ იმათ არ მოსწონს მე რომ დავდივარ ჩოხითა.

არც მე მსალია, არც იმათ კლუბში არიან წასული, ბევრი დაძვრება ამათში ვითა სატანა, აე-სული.

უსაქმურობა, ქორობა შეადგენს ამათ საზრდოსა ქება-დიდება, ვინაც რომ ასეთი შეილი ზარდოსა.

ქალების შესაფერისად გვეზრდება ყმაწვილ — კაცობა რომ ლომ-ფეფეზობენ, უფრო კი შეაფეფრებათ ვაცობა.

მშობლები მეცადინობენ რომ გაუნათლონ ვანება, ვალს ღებულობენ, იღვწვიან. არა შურთ მათთვის ქონება,

მაგრამ ესენი სხვა-გვარად უსტვენენ — ყმაწვილთ წესია! ვერ მოარჯულეებს მაგათა, თუმც რომ მოვიდეს მესია.

თამბაქოს წვევა, სიმთვრალე, ყოფა-ქცევითა მრუდობა, ჩხუბი და აყალ-მაყალი, ღრჯენა, ქალებში მრუშობა.

ხან და ხან უნდა გაუწყით ამათი ქცევა — გმირობა. მშობლებთან ერთად დღეიდან დავდევით ესე პირობა.

ლამი-ვარ.

### დ ე ზ ე მ ე ბ ი

(„მასადახას“ სკუთარ კორესპონდენტებისგან).

**ჩენსტოხოვო.** გერმანელებმა პოლონეთის ტახტზე დასვეს ერცგერცოგი სტეფანე. საოცარია სწორედ გერმანელების საქციელი: პოლონეთს ანადგურებენ და გაოხრებულ ქვეყანას მეფეს უნიშნავენ.

**ვარშავა.** 9 იანვარს დილის 9 საათზე გერმანელები ვარშავისაკენ მოდიოდნენ.

9 იანვარს საღამოს 9 საათზე გერმანელებმა დაიხიეს.

**პარიზი.** პარიზელმა ქალებმა ახალი მოდა შემოიღეს: შლიაპის მაგიერად იხურავენ აფიცრის

ქუღს — კასკას. მარაოს მაგიერად ხელში დამპაჩა უკავიათ. ტუფლების მაგიერად დეზებიან წალებს იცვამენ. პარიზელებს ეს მოდა არ მოსწონთ. ნემეცები გიყდებიან ეხლა პარიზელ ქალების სიყვარულით. ამბობენ, ახალი მოდა ქალებს ძლიერ უხდებათო.

**ლონდონი.** ინგლისელები ძლიერა ჯავრობენ: როგორ გავიბედეს ნემეცების ცეპელინებმა და პეიროპლანებმა ჩვენზე იერიშით მოსვლაო და შეუკვეთეს ვილჰელმს — ეგ რაღაც მანქანებია, უკან დააბრუნე, თორემ შავ დღეს დაგაყენებთ — ამერიკასთან გიჩივლებთო.

**ბუჰარესტი.** რუმინია ეუბნება იტალიასა, საბერძნეთსა და ბულგარისა: შენც — სუ, მეც — სუ და ისიც — სუ! ნამდვილი ნეიტრალიტეტი ეს არის.

**ათინა.** საფრანგეთისა და ინგლისის გემებმა დარდანელის სრუტე დაიკავეს და დღეს თუ ხვალ სტამბოლში შევლენ.

**ლონდონი.** ბურუსის გამო ვერც ერთი ჩვენი გემი დარდანელის სრუტეში ვერ შევა.

**ტოკიო.** იაპონიამ ჩინელებს შეუთვალა — თქვენი სახელმწიფო გვეკირდება და დავიკალეთო.

**პეკინი.** ჩინეთმა ჯერ შეუთვალა იაპონიას — ბატონი ბძანდებო, მაგრამ მერე ივარა ჩვენ სადღა წავიდეთო და შეუთვალა იაპონიას ჩვენ ვერსად წავალთ და თუ გული გერჩის შენ თითონ მობძანდო. ომი ჩინეთისა და იაპონიას შორის აუცილებელია. გერმანიას ეს ძლიერ უხარია. ამერიკას სწყინს.

**ტოკიო** ჩვენა და ჩინეთი ერთმანერთში კარგად მოვეწყობით. ომი არ მოხდება. გერმანიას სწყინს. ამერიკას უხარია.

**არზრუმი.** აქ ენვარ ფაშის ბძანება მოვიდა — ჯარი არდაგანზე და ახალქალაქზე ტფილისში წავიდესო — ძლიერ საჭიროა ამ ქალაქის ადებო. არზრუმის უფროსი ძლიერ შეწყუხდა. აქ ჯარი არ არისო და ვინ უნდა წავიდეს ტფილისში ასე მისწერა ენვერ ფაშას — ჯარი არა მყავს და გამომიგზავნეო. ენვერმა უპასუხა: ჯარი არც აქ არისო. მარტოკა ჩადი ტფილისში და თუ ქალაქის ადება ვერ მოახერხებ, უკან ნუ წამოხვალო.

**თავრიზი.** ძალი პატრონს ველარ ცნობილობს თავრიზში. ზოგი ამბობს თავრიზი რუსისაო, ზოგი გაიძახის სპარსეთისაო, ზოგი ამბობს ოსმალეთისაო და ზოგიც — დაიცათ, ინგლისელები მოვლენ და თავრიზს დაეპატრონებიანო.

**სოხუმი.** დალოცვილი პატარა ნიკო (თავდგირიძე) გვეპირდებოდა სოხუმში რკინის გზას გამოვიყვანო და ეხლა არც რკინის გზა გახლავთ და აღარც გემები მოდის. ვართ ზღვის პირას მომწყვდე-

ულნი, ნიკოს ისევ უნდა ქალაქის მოურავობა და გვპირდება ნურც რკინის გზა გინდათ და ნურც გემები. ჰაეროპლანებს და ცუბელინებს გიყიდითო.

**ბახმარო.** აქ მოვიდა თავისი ახალი ჰაეროპლანით - ცნობილი მფრინავი ქებურაო. ორიოდვე ვერსის მანძილი უკლდა ბახმარომდე, მაგრამ მოტორმა უღალატა და ჰაეროპლანი ჩამოვარდა და დაიშხვრა. ქებურია უფნებლად გადაარჩა, ცხვირი კი აქვს გაკაწრული. შეუდგა ახალ ჰაეროპლანის გაკეთებას. აქედგან ქებურია პირდაპირ ამერიკაში აპირობს გადაფრენას ახალი მანქანით.

**ქუთაისი** ქალაქის გამგეობა გვპირდება, ომი რომ გათავდებდა, აბა მაშინ გვიყურეთო. ერთ კვირაზე გავიკეთებთ ტრამვაისა, კანალიზაციას, წყლის სადენ მილებსა და მთელ ქუთაისს ელექტრონით გავანათებო. ქუთათურები ამ ამბით ძლიერ არიან გახარებულნი. გამგეობის წევრი სიმონ ქვარიანი არა ცხრება, ემდურის ქალაქის მოურავს ჩიქოვანს, ეჩხუბება და ხალხს ეუბნება - არაფერი დაუჯეროთ ჩიქოვანს - უჩემოთ ვერაფერს გააკეთებს და მე კი არაფერს გაკეთება არ მსურსო.

**ჭიათურა.** აქ სასიამოვნო ამბავი მოვიდა: ორი წლის შემდეგ მთელ ქვეყანას ტყვია-წამალი და ყუმბარები დაეღევა. მართალია, ხალხიც გაწყდება, მაგრამ მოხარდი თაობა წამოგვეწევა, ჯარში წაიყვანენ და რადგანაც უეჭველია, რომ ტყვია წამალი და ყუმბარები ჯარის კაცებზე უფრო ადრევე დაიღევა, ამიტომ კვლავ იქნება მოთხოვნილება შეექვასო და ვინც ომს ცოცხალი გადურჩება ორი წლის შემდეგ - ქიათურაში სამუშაოს იშოვნის და ერთ ლუკმა პურს ეღირსებაო.

**შორაპანი.** აქ ამბავი მოვიდა - ქიათურელი ექსპორტერები ავეგერინოები ამ ჟამად ბრაზილიაში არიან და შავი ქვის გატანა უნდათ იქიდან ევროპაშიო. ბრაზილიელებმა ამხანაგ მუშებისგან მიიღეს ცნობა ავეგერინოების გაიძვერაობისა და უნდათ ამერიკიდან გამოისტუმრონ ეტაფით.

(ჭორაძის საჯანტო)

**სენაკი.** „სუღებნი პრისთავის“ შოადგილე თ - რიამ სისხლის სამართლის წესით საჩივარი აღძრა ეგნატე ხარებავას შესახებ იმდენი ვცემე, რომ 15 დღეს ხელის მოწერას ვერ ვახერხებდითო.

ხარებავაც თავის მხრით უჩივდა თ - რიას ცალი თვალის დაზიანებას და გვერდების გასიებას.

**ოზურგეთი.** თვით-მმართველობა აცხადებს, რომ მან აკაკის დასაფლავებაზე დაკარგა დელეგატი და...

**იქიდანვე.** აფთიაქის პროვიზორ-გამგის ადგი-

ლი ორმა ითხოვა, ერთი ნამღვილი ქართველია, მეორე კი როგორც თვით აცხადებს გრუზინი-მინ-გრელცი-ია საბჭოში დიდი კამათია, არ იციან უპირატესობა რომელს მისცენ. იმას, რომელსაც ორას ადგილას მიუღია პრაქტიკა თუ იმას, ვინც კრუხით ერთ ადგილას მჯდარა.

**ხიდის თავი** (გურია) საკენკი რომ არ იყოს გამოღეული, წელს უსათუოდ ბევრ ქათმებს გამოვზრდილით, რადგანაც . . . . . (ვერ ვავარჩიეთ)

**ბახვი.** კომისიას ჯერ თავისი შრომა არ დაუმთავრებია, რადგანაც საჭირო დარჩა ბებია ქალების დაკითხვა და ექსპერტების მოწვევა.

**ჯუმათი.** (სადგური) ბათუმში მომუშავე დელიყანდები ეძებენ მეკურტე მუშებს, რადგანაც აქარაში ნადავლს რკინის გზა არ ლეზულობს... გადმოტანა სამესამედოთ ესე იგი ვინც სამ ტაშტს წამოიღებს ერთი გადმოტანის იქნება.

**ღანჩხუთი.** გლოვა და ტირილი, ტირილი და გლოვა. ან კი როგორ არ ვიტყვით, რა ეშველება ამდენ გასათხოვ და გათხოვილ ქალებს არ ვიცით მშვიერთათვის სიმინდი გამოვიწეროთ თუ ქალებისათვის ქმრების მოადგილე.

**ბალაჯარა** აქაურ „კარტ-ბაკარისტებს“ მოსწყინდათ კარტით თამაში და კულტურულ საქმეს მოჰკიდეს ხელი. არსებენ ახალ სცენის მოყვარეთა ჯგუფს, ძველის წინააღმდეგ. შემოსავალი მოხმარდება „ბაკარაში“ და ხარაღებულთ.


ეშმაკის მოციქული.

**ზუგდიდი.** დ. ანაკლიიდან ფილოკეების ჩამოტანის შემდეგ ქუჩაში მოძრაობა გაჩაღდა. მიმოსვლა უფასოა. აუარებელი სამადლობელი წერილი მოსდით.

**ახალ-სენაკი.** ნოქრებმა ერთხმად დაადგინეს: დუქნები იღებოდეს და იკეტებოდეს ნორმალურ წესით: იღებოდეს დილის 5 საათზე, იკეტებოდეს საღამოს 12 საათზე. გაფიცვა ჯერ-ჯერობით სასურველად მიდის. მათ წინააღმდეგ სასტიკი ზომებია მიღებული.

**იქიდანვე.** ექიმი ადამია „ყვავილის“ შიშით ქუჩაში აღარ გამოდის.

პროვინციული ჭინკა.



# გ ა მ მ ს ა ნ ა

(ჯურუყველთებს)

წინად იყო სოფლის მამა.  
მთლად მუხურო გადაქამა,  
იმის მუცელს ვერ აძლებდა -  
ვერც არჩივი, ვერცა ღრამა!  
გაშიშული დადიოდა,  
და მტეროდა „ჩარი-რამა“,  
მაგრამ ვიღაც „უსამართლომ“  
წაამკაღ, წააშხაბა.

—  
აღარ შერჩა საქმე ავი -  
დადის პანლურ ანაკრავი,  
მაგრამ ისე გაიძვერობს,  
გვეგონებათ იყოს კრავი!


ისევ უნდა ძველებურათ -  
მოსათალი, გასახრავი  
სიზმარშიაც ელანდება  
საკურთხი და საწირავი.

—  
ამ მიზნისთვის კორწილი ქნა  
(ქალიშვილი გაათხუა),  
სიძე ადგილს ჰპირდებოდა,  
მაგრამ მანაც მოატყუა!

მელა მოძღვრად არ ივარგებს  
ვის აბა აქვს ამის ჭკუა?!  
იგი უნდა წაწალებდეს -  
ქვეყნად სამართალი თუა.

წიკარტი.

# ო ს მ ა ლ ე თ უ ი



ფაშა. ცუდათ მიდის ჩენი საქმე, სულთანო! დარდანელს დაუშინეს.  
სულთანი. ვაი ჩემს დღეს, სად დავიმალო.